

冊 150.127

36

128

150.127

36

128

輝縣志

卷首
卷一

第壹册

輝縣志序



輝邑爲古共城之域山川
秀麗蘓門百泉之勝甲於
通省晉孫登嵇康輩嘗嘯
咏其中至宋邵康節先生

輝縣志

序

一

從李之才講易居安樂窩
流寓最久元則有姚雪齋
許魯齋昌明理學後先輝
映至

國朝孫徵君奇逢以高年碩

德來自容城講求性命之
學其道實足以繼往開來
直接尼山正脈四方來學
翕然宗仰於是蕪門一席
地遂爲海內理學淵藪不

僅以山川名勝稱而文獻
之徵亦較他邑爲尤重縣
志重脩於乾隆二十二年
迄今又歷八十餘載

聖朝右文所及海宇同風輝以

名賢會萃之區其閒川岳
鍾靈人文蔚起必有日新
而月異者且嘉慶十八年
王師勦洗逆匪李文成等於縣
之侯兆川不崇朝而蕝事

武功炳煥均應亟爲哀輯
以昭激勸而示來茲誠守
土者之所有事也縣令周
君際華以名進士來宰是
邑凡有關於民生學校之

事罔不次第悉舉茲復釐
正舊聞搜羅散軼爲續脩
縣志之舉請敘於予予嘉
其知所當務必能信今傳
後爲名區增色也於是乎

書 嘗

道光十五年孟夏撫豫使
者燕山桂良撰

輝縣志序

余姻家周石藩明府以名進士
出宰輝邑文章政事兼擅其長
更能勤求上理以教養斯民卓
然有古循吏風歲乙未余奉

命承宣茲土得閱其纂修邑志煌煌

輝縣志

序

一

鉅篇悉遵

輻代典章參前人法戒驗人情之所

欲惡臚而列之俾行人可採外
史可掌守土者可考鏡所繫詎
不偉歟昔薛方山修浙志七年
始竣事孫文忠修高陽志十餘

年始出以示人是書亦成於履
任九年之後益以見明府之不
輕於謀始正以圖厥終殆慮事
精而知所先事不苟爲炳炳烺
烺以潤色太平茲以例迴避江
左去之日輝之士民卧轍攀轅

輝縣志

序

二

如嬰兒之戀慈父母其德澤之
浹人深入人切爲何如哉後之
莅是土者手是編以周知夫疆
索險易民物豐悴政令張弛之
數而於治思過半焉是又余之
厚期於異日者爰綴數言以誌

之

道光十五年十二月貴筑朱樹

輝縣志

序

三

重修輝縣志序

余昔從事京曹遇友自豫至者盛稱輝邑山川之秀美風俗之敦龐甲於中州心竊嚮焉迨今夏四月奉

命來守沫邦甫下車見所轄各邑或土瘠而民貧或地衝而俗敝或遭癸酉歲兵燹之餘民氣猶未全蘓惟輝邑則沃饒富庶比戶

輝縣志

序

一

可封深喜風俗敦龐之說爲不謬絃誦不輟意者其盡歸功於山川之秀美乎要非良有司之力不爲功夫崧生嶽降未聞代有偉人合浦珠還亦在資夫良牧况尙紫可遷飲羊可格民有不視司牧者爲轉移乎 邑侯周石藩明府以名進士宰是邑有年其於斯民之利害休戚體之詳矣體

之詳而復出之以慈惠之意佐之以明敏之才舉凡去苛政興水利崇學校勸農桑修廢墜表里閭諸大端無不酌古準今與民宜之俾相安於耕鑿固不獨區區邑志之修輯爲潤色太平也然而邑志亦曷可以不修考輝邑舊志修於乾隆己丑迄今已七十有餘年世遠年湮類多散佚其間

輝縣志

序

二

如孝義節烈之風學士文人之概苟不亟加蒐輯載諸簡編將不特其子孫疑信相傳無以道揚先烈卽後有採風之使過而問焉亦非文何以徵獻矧時移事易今昔迥殊舊章可率而必舊章之是拘則民風已多變革矣 石藩明府本博家之史筆輯邑乘之成書綱舉目張條分縷晰體宗

八十餘載至大令而始脩大令之脩之也又在履任九年之後政通人和百廢具舉然後筆之於書以備

聖朝之文獻吾知凡伯其姜之古蹟蘓門泉源之山水邵堯夫孫徵

君之流風餘韻皆大令之所資以爲政卽潤色之以爲書彬彬焉璘璘焉有不僅於體例之合者余更何說以益之哉雖然竊有說矣輝縣坤媪之靈鍾於百泉詩所云茲彼泉水者也乃其

中有曰出宿于沛毛鄭皆不詳
沛之所在後儒以禹貢之沔滎
當之殊與衛境不合余嘗考山
海經水經注而後知泉水本有
濟之名也海內東經云濟水出
共山南東邱絕鉅鹿澤共山爲

輝縣之共山則濟水明是輝縣
之泉水水經注名之曰長泉水
所云長泉水出修武白鹿山東
南伏流十三里重源發於鄧城
西北是也又云東南流注於吳
陂吳陂一名大陸南北二十里

東西三十里左傳魏獻子田於大陸卽此地應劭誤認爲禹貢之大陸非也大與鉅通陸與鹿通水經注之大陸卽山海經之鉅鹿澤若禹貢之大陸爲今直隸之鉅鹿縣其鉅鹿大陸之相

通亦猶是耳古時大陸有二濟水亦有二水經注河水過成皋縣北濟水從北來注之此禹貢導洸東流爲濟之濟水也又云河水又東逕燕縣濟水從北來注之燕縣今延津東境古黃河

至今延津縣東又有濟水注之
則卽長泉水出其山南絕鉅鹿
澤者矣鉅鹿澤爲河水所滙在
今修武縣北十里泉水性勁絕
之而東出與濮水澠水會猶汎
水東流絕河而南溢爲滎澤也

滎澤之濟源於王屋鉅鹿澤之
濟源於共山皆太行之支幹故
性同而名亦同自河南徙後鉅
鹿澤涇泉水始改流矣酈道元
時輝縣屬修武境故云修武白
鹿山其實水經注之白鹿山山

海經之其山東邱皆燕門山之
異名也毛鄭詁詩旣不詳郭景
純注山海經又誤雖居處百泉
之上如許魯齋姚牧菴孫夏峯
諸先生統未有明其爲濟水者
黃梨洲之今水經顧景范之讀

史方輿紀要齊次風之水道提
綱亦但云衛河源而已余特疏
而辨之以復諸大令俾書於簡
端以當適野之一助云河南按
察使者楊振麟序

重修輝縣志序

唐人最嚴方治之例梁載言之
十道志李吉甫之元和郡縣志
皆謹嚴詳贍一準諸摯虞陸澄
任昉顧野王之舊而斤斤焉不
差尺寸至宋樂史作寰宇志而

輝縣志

序

一

例始變祝穆作方輿勝覽而例
盡失前明方志中如呂涇野之
志朝邑康對山之志武功雖負
時名要皆不得與古人比例不
符也近代諸巨公出精研地里
之學始講唐以前舊例然郡縣

之志亦有不能盡同者地理乃
史法中之一門而志之例則統
乎全史其中書美不書惡識大
不識小用史法而又與國史有
閒甚矣脩史之難也余以道光
甲午年奉

輝縣志

序

二

天子命陳臬中州明刑之餘時時披

覽方志以爲問俗採風之本適

輝縣周大令脩志告成來以序

請余聞之而深歎其得爲治之

要也昔朱子知南康軍甫下車

卽問志事今輝縣之志闕如者

班馬義軼范陽茲以

蔭堂方伯姻親例得引嫌調補隣省於其
將去惓惓焉亟付棗梨俾後之宰斯土者
有所觀覽以爲政是亦古舊尹告新尹之
意也夫書成問序於余余方悵共事之緣
慳又喜其意之不忘乎斯土也且覽斯志
也可以法古焉可以証今焉可以驗民氣

輝縣志

序

三

之盛衰焉可以得民情之好惡焉可以知
民治之緩急焉可以別民性之賢愚焉夫
豈特記疆域表形勝傳往蹟以及詞章文
物之載也哉又豈特余向所得於傳聞者
哉則石藩明府之修是志也又將與蘓
門山嵇公泉同爲地以人傳而永繫去思
乎

道光十五年孟秋衛輝府知府耿省修撰

輝縣志

序

四

稟請 三大憲賜作輝縣志書序啟

敬稟者竊卑職自道光六年三月履任其城於

茲九載仰蒙

渠誨勉矢駑駘凡民間應辦事宜不敢不曲殫
愚忱力圖報稱幸得官民相信漸次補苴首建
萬壽宮以展祝釐之敬次葺先儒祠以彰道學之傳
書院移於城中就便經生問字義學嚴於鄉社
希圖豎子知書城堞聿修藉資保障河渠共鑿

輝縣志

一

俾禦狂流古蹟殘碑差覺摩挲殆盡豚蹄篝火
不忘勸課頻仍侯兆川中強梁斂迹蘓門山下
臺閣生新借種樹以生材本是自然之利因修
橋而築路亦屬共便之謀求免鷓鴣終慙鳩拙
不勝乾惕之至迺紳民過望不鄙不文復以續
修邑志爲請卑職邊黔末學章句庸才既不容
辭亦不敢擅商確良久乃設局百泉書院集眾
紳而共訂並就山長劉岷南給諫參正之伏查

舊志始於有明之嘉靖六年重修於萬曆八年
至

國朝順治十六年重修之康熙二十九年又重修
之自是而後積六十餘年至乾隆二十二年文
令兆衷振衰起靡抉舊抽新東壁之光輝煌於
今日者固莫不信而有徵矣然由今逆計之又
八十餘年其閒政治之興衰戶口之登耗科名
之積累節孝之幽潛事久則文獻無徵時移則

輝縣志

二

搜羅罔據爰謀集腋敢效續貂或任分編或司
採訪或膺校錄缺畧者補繁雜者刪紀事必覈
其真纂言必求其當不敢以疑團貽後學亦不
敢以私意沒前徵原屬依樣葫蘆又懼登場傀
儡仰惟

大人望隆班馬學貫天人織雲錦以成裳鑄鼎
銘而式訓運如椽之筆不難點鐵成金揮大匠
之斤自可移花接木伏冀鑒茲推轡賜以弁言

表

朝治化之隆開鄉里見聞之陋不惟光昭典冊並以鼓舞淳風宰官幸甚闔邑紳民幸甚現在規模粗具已付棗梨容俟告成當卽敬謹呈電先肅請序預授梓人

輝縣知縣周際華謹稟

輝縣志

三

補訂輝縣志敘

邑志重脩於道光十五年黔南周君際華以名進士來宰斯邑莅任九載因得與鄉士大夫徵文考獻悉心網羅薈萃乾隆丁丑後八十餘年事蹟續成是書光緒丁亥春余奉檄調權茲篆甫下車禮書以邑志進披閱之下喜其敘次議論不戾史法益前人所缺畧廣後日之見聞守土者尤可

輝縣志

序

一

藉為參考以善其設施周君洵知政本矣哉獨惜板藏學宮歷年半百中間遭兵燹荒祲之變卷帙殘燬過多亟欲覓舊本補錄適藩參軍楊君映斗來勘河攜其尊人少堂先生守郡時所藏本攷厥故道因借留署中檢查缺佚召手民繕校而補刊之夫乃今而後得復為完書云輝河朔巖邑也山城如斗地僻而民貧獨山水奇秀甲

於中州清淑之氣代鍾偉人若理學若名
臣若孝義節烈士不絕書官斯土者亦皆
勤求吏治導揚風雅以期無貽山靈羞名
官輩出允堪與蘇門厲賢輝映千古是編
發潛昭隱無濫無遺具徵川岳鍾靈良非
虛語其餘分門別類網舉目張雖未知視
古人朝邑武功諸志簡潔可傳何如而要
其徵引富而考核詳均足備皇華之采而

無愧顧乙未至今又五十餘年矣天道十
年而一變世運之升降人事之興衰因之
况乎捻逆北竄井里蕭然丁丑戊寅之交
罹此竒荒餓殍遍野戶口流亡間嘗過太
行之麓見有村社為墟與人為余告曰此
某里某莊也至今無孑遺焉時移事過紀
載闕如後之人將何所考以綢繆未雨也
殘缺雖補不禁惓惓於懷已抑余更有說

爲藝文一門所以備一邑之掌故蒐羅宜
廣而抉擇宜嚴操纂脩之柄將勸戒小民
條告累牘連篇為牧令到處應有事下至
觀風禱雨之文友朋酬贈之詩詞雖佳刻
集行世可也入邑乘母乃有乖體例歟補
訂告竣因為特發其端俟後之宰斯邑而
又久於其任如周君者續成新志宜存宜
去或當有取於斯言時光緒十四年仲夏

輝縣志

序

三

月調署輝縣事考城縣知縣廬陵郭藻敘



重訂輝縣志叙

甲午冬抄余奉檄權篆共城下車之始禮書以邑乘進詳加緝閱其書之體例紀載可謂編撰詳覈矣惟自道光乙未經周君石藩重修後迄今垂六十年其中政治之得失賦役之增減科名人文之盛衰忠孝節義之奇

輝縣志

序

特應蒐訪增入者當復不尠余既不文又以權篆不能計時之久甞未敢率易從事致貽鮮終之譏第首編圖繪如城市疆域山川古蹟諸圖咸闕攷證而日久竟多闕佚使閱者莫究端委是不可不亟謀補之因於邑中薦紳家覓得舊本倩友依式鈎摹付

之剖廁傳爲完書茲於刊成爰誌數
語以紀時日若夫踵事增修仍當俟
之後宰是邦者時

光緒乙未八月署輝縣事候補通判
漢陽易釗謹識

輝縣志

序

重刊輝縣志姓氏

呈閱

兵部侍郎兼都察院右副都御史總督

良

生

兵部侍郎兼都察院右副都御史總督

河南

河道提督

美

生

戶科給事中提督河南全省學政

光

生

河南等處承宣布政使司布政使

朱

生

署理河南等處承宣布政使司按察使

楊

生

署河南等處提刑按察使司督理通省驛傳糧儲鹽法道

林

生

署河南分守河北彰衛懷三府等處地方河務水利兵備道

王

生

河南分守河北彰衛懷三府等處地方河務水利兵備道

劉

生

鑒定

姓

輝縣志

署理河南衛輝府知府方觀

供

特授河南衛輝府知府隨帶軍功加二級

附

特授河南衛輝府糧捕水利上北河務分府

袁

生

纂修

輝縣知縣周際華

生

參定

兵科給事中劉光

生

協修

輝縣教諭郭士

生

署輝縣訓導關

生

輝縣訓導趙

生

輝 縣 把 總馬得俊元河內人武

輝 縣 主 籛如選 桐浙江慈谿人

輝 縣 典 史朱玉輝含浙江海鹽人監

同修

前任 南陽府 教 授戴銘恬邑人善

前任 登封縣 訓 導黃汝雯時邑人歲

例 封 徵 任 郎李靈時邑人

署 蘭儀縣 訓 導李笙儀雅邑人廩

舉 人郭琬雪邑人壬

舉 人羅緯書慎邑人甲

候 選 訓 導孟大炳蔚邑人歲

輝縣志

姓氏

二

恩 貢 生張藜照乙邑人

候 選 直隸州州 判李瑤林小邑人拔

副 榜劉道衡鑑邑人甲

候 選 教 諭周繼熊升邑人拔

歲 貢 生郭熾怡邑人

廩 貢 生傅瀾偉邑人

採訪

候 選 府 經 歷傅培梧邑人

歲 貢 生王步衢邑人

歲 貢 生李柏年邑人

歲 貢 生羅德全邑人

例

貢

生周十圖 邑 人

廩

生郭鈿 邑 人

廩

生和致中 邑 人

廩

生任文煥 邑 人

廩

生朱肇琦 邑 人

廩

生趙八元 邑 人

廩

生崔華 邑 人

廩

生崔全元 邑 人

廩

生史緯經 邑 人

增

生葛向榮 邑 人

增

生郭宗杭 邑 人

輝縣志

姓氏

三

附

生郭烈 邑 人

附

生田適理 邑 人

附

生陳嘉謨 邑 人

附

生劉百泉 邑 人

附

生孫世珺 邑 人

附

生張心銘 邑 人

武

生何先登 邑 人

監

生睢剛 邑 人

監

生宋玉珩 邑 人

監

生李蔭葵 邑 人

監

生王溥 邑 人

校錄

議

敘

八

品

銜方登瀛邑

人貢

廩

生姚書文邑

人

廩

生姚書林邑

人

廩

生王貫三邑

人

廩

生王猷邑

人

廩

生秦天申邑

人

增

生張兆芳邑

人

增

生田心畬邑

人

附

生孫鑑邑

人

附

生王鸞邑

人

輝縣志

雜氏

四

附

生李向離邑

人

附

生馬均邑

人

附

生孫錕邑

人

督梓

武

生李方聽邑

人

監

生張保衡邑

人

輝縣志總目

輝縣知縣驗筑周際華石藩纂修

卷首

聖制

卷一

圖

萬壽宮圖

行宮圖一 在白泉

行宮圖二 在白雲寺

疆域圖

百門泉圖

輝縣志

總目

一

城池圖

公署圖

學宮圖

百泉書院圖

附郭圖

縣境分圖四

卷二

表一

沿革表 封建附

職官表

卷三

表二

選舉表

鄉飲

例貢

例監附

封廕表

戚晚附

卷四

地理志

疆域

形勢附

祥異

關隘

山水

橋梁附

古蹟

坊表附

風俗

方言附

輝縣志

總目

二

物產

卷五

建置志

城池

公署

倉庫

監獄附

兵防

戍堠

卡房

舖司

馬遞附

村鎮

卷六

田賦志

土田

里社

戶口 恤政附

稅糧 支款 鹽鹺 雜稅附

卷七

渠田志

泉源

河渠

隄堰

河夫

卷八

學校志

學宮

輝縣志

總目

三

學署

書院 義學附

卷九

祠祀志

典祀

正祠 寺觀附

墳墓 義塚附

卷十

循政志

名宦 續紀附

宦蹟

卷十一

人物志

鄉賢 續紀附

忠烈

孝友

儒林

義行

隱逸

方伎

流寓

卷十二

輝縣志

總目

四

列女志

貞婦

烈婦

貞女

烈女

貞妾

卷十三

經籍志

魏

晉

宋

元

明

國朝

卷十四

碑碣志

北齊

唐

宋

金

元

卷十五

輝縣志

總目

五

藝文志一

制

記上

卷十六

藝文志二

記中

卷十七

藝文志三

記下

傳

序

政

引

約

議

考

辨

卷十八

藝文志四

說

書

跋

輝縣志

總目

六

贊

箴

碑

祭文

雜著

卷十九

藝文志五

賦

詩

卷二十

志餘

軼事

紀異

卷末

志原

舊序

舊跋

舊志姓氏

輝縣志

總目

七

輝縣志卷首

輝縣知縣臣周際華恭紀

聖制

訓飭士子臥碑文

順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互

輝縣志

卷首

聖制

一

相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必遭禍患行害人之事者往往自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許于預他人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言差白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖諭十六條 康熙三十年

敦孝弟以重人倫 篤宗族以昭雍睦

和鄉黨以息爭訟 重農桑以足衣食

尚節儉以惜財用 隆學校以端士習

黜異端以崇正學 講法律以儆愚頑

明禮讓以厚風俗 務本業以定民志

訓子弟以禁非為 息誣告以全善良

聖制

輝縣志

卷首

二

誠匿逃以免株連 完錢糧以省催科

聯保甲以弭盜賊 解讐忿以重身命

康熙三十年九月十九日

上諭戶部朕孜孜圖治軫切民依閭閻耕穫時勤諮訪其有以

荒歉上聞者或蠲或賑旋即施行務令得所念河南一省連

歲秋成未獲豐稔非沛特恩蠲恤恐致民生計艱難康熙三

十一年錢糧着通行蠲免並漕糧亦着停徵至山西陝西被

災州縣除照分數蠲免外其康熙三十一年春夏二季應徵

錢糧六着緩至秋季徵收用稱朕眷愛黎元撫綏休養至意

爾部即遵諭行特諭 勅石菴門山

御製 至聖先師孔子贊并序 康熙三十年

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由維皇建極維后綏猷作君作師垂統萬古曰惟

輝縣志

卷首

聖制

三

堯舜禹湯文武五百餘歲至聖挺生聲金振玉積厥大成序詩刪書定禮正樂旣窮象繫亦嚴筆削上紹往緒下示來型道不終晦秩然大經百家紛紛殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖邇源洙泗景躅唐虞載歷庭除式觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱宮精萬仞夫子之堂孰窺其藩孰窺其徑道不遠人克念作聖

御製 復聖顏子贊

聖道早聞天資獨粹約禮博文不遷不貳一善服膺萬範

萃能化而齊其樂一致禮樂四代治法兼備用行舍藏王佐之器

御製 宗聖曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒備明訓辭

御製 述聖子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

御製 亞聖孟子贊

輝縣志

卷首

聖制

四

哲人旣萎揚墨昌熾子輿闢之曰仁曰義性善獨闢知言養氣道稱堯舜學屏功利煌煌七篇並垂六藝孔學攸傳禹功作配

御製 訓飭士子碑 雍正四年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾樸棧作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實

踐砥礪廉隅敦孝順以事親秉忠貞以立志窮經考業勿雜
荒誕之談取友親師悉化驕盈之氣文章歸於醇雅毋事浮
華軌度式於規繩最防蕩軼于衿佻達自昔所譏苟行止有
虧雖讀書何益若夫宅心弗淑行已多愆或蜚語流言脅制
官長或隱糧包訟出入公門或唆撥姦猾欺孤凌弱或招呼
朋類結社邀盟乃如之人名教不容鄉黨不齒縱幸脫襦朴
濫竊章縫返之於衷寧無愧乎况鄉會科名乃掄才大典關
係尤鉅士子果有實學何患困不逢年顧乃標榜虛名暗通
聲氣夤緣詭遇罔顧身家又或改竄鄉貫希圖進取囂凌騰
沸網利營私種種弊端深可痛恨且夫士子出身之始尤貴
以正若茲厥初拜獻便已作姦犯科則異時敗檢踰閑何所

輝縣志

卷首

聖制

五

不至又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓茲訓言頒到爾等務
共體朕心恪遵名訓一切痛加改省爭自濯磨積行勤學以
圖上進國家三年登造束帛弓旌不特爾身有榮卽爾祖父
亦增光寵矣逢時得志寧俟他求哉若仍視爲具文玩愒勿
傲毀方躍冶暴棄自甘則是爾等冥頑無知終不能率教也
旣負栽培復干咎戾王章具在朕亦不能爲爾等寬矣自茲
以往內而國學外而直省鄉校凡學臣師長皆有司鐸之責
者並宜傳集諸生多方董勸以副朕懷否則職業勿修咎亦
難追勿謂朕言之不預也爾多士尙敬聽之哉

御製扁額

萬世師表 康熙二十三年

大成殿

生民未有 雍正三年

大成殿

靈源昭瑞 雍正四年

衛源廟

與天地參 乾隆三年

大成殿

至教永垂 乾隆十五年

百泉 聖廟

利濟中州 乾隆十五年

衛源廟

浩氣常存 乾隆十五年

百泉 關帝廟

白雲自在 乾隆十五年

白雲寺

聖集大成 嘉慶三年

大成殿

聖協時中 道光元年

大成殿

御製衛源廟對聯 乾隆十五年

輝縣志

卷首

聖制

六

源濬蘇門壘泉昭上瑞

流敷衛土渥澤濟羣生

御製百泉詩 乾隆十五年

清蹕來遊衛水源小加構築儼林園洛中名勝山川秀秋杪

風光松菊存座俛滄池下鷗侶堦含碧蘇育桐孫讀書近溯

周程旨恰喜明窻暖日曛

半頃明湖菘竹圍衛詩風景尚依依大珠小珠玉盤落知樂

仁樂逸興飛竿綫不期魚受釣樊籠可惜鶴思歸巡筭更讀

前人句却似韓陵可語稀

御製衛源廟詩 乾隆十五年

駐蹕蘇門下躬瞻清衛源地靈 神以爰派遠物蒙恩自

珠呈琲一泓月貯痕流淇潤桑土利澤永中原

御製嘯臺詩 乾隆十五年

太行秀迤蘇門山宜爲隱者所盤桓我來深秋氣蕭蕭嘯臺
以上千年間辭騎屨步凌崇巒憩藉猗靡之臯蘭謾謾天風
吹鳳鸞卽遇公和相周旋清激嘯旨我不解慷慨嘯理我或
閑嗣宗猖狂豈能攀詩留片石飄乎仙

御製安樂窩詩 乾隆十五年

前者周程後者朱同歸何礙却殊途深知天地理數蘊不作
語言文字儒成思安貧樂道趣常依月到風來湖嘯臺近在
烟霄裏異世芝蘭結契無

御製奇樹歌并敘 乾隆十五年

輝縣志

卷首

聖制

七

百泉多奇樹然不過曲拳輻輳貌古形詭而未始離夫木也
惟此樹其根盤錯多穴望如淮石亦有石子礫礫蒼皮間其
上則扶疎老幹依然嘉樹深秋葉落不知其名問之則云阜
茨百泉奇樹無復奇乎此者矣旣命筆爲傳其神復成是歌
題於上而識之

久竹清寧古或聞異哉此樹非木羣木乎石乎難疏分我忽
相逢清澗濱下臨瀛水上干雲盤根錯節如髡屯兩株直聳
擎輪囷華清一樹其子孫小試成仙左騎軍與來命筆傳其神

御製白雲寺五絕六首 乾隆十五年

入山秋色佳到寺春陽照匝圍玉屏藤屨張錦樹
竹徑穿雲出禪房花草菲階前一泓水去作垂虹飛

一庭柏樹青千嶂楓葉紫平原逾月行今朝見山喜
靜室纔十笏好山具四隣當年誰結夏無着與天親

崑岡藏乳竇竹底盼烟郊斷缺唐碑在猶然稱白茅

是寺唐時名白

茅明季改今名

少坐清有餘便去興未已迴視失招提鐘聲白雲裏

御製七賢詠 乾隆十五年

稽生放達意真豪嗣宗青眼誇神交啟事更隱何妨濤汭國
豫流形陶陶向秀佐鍛鑪操小阮不愧玉樹曹阿戎清爽
舞濁醪竹林之遊芳躅高延之過激由去朝五君成詠寓
褒我過山陽望古遙土阜惟見橫岩嶸猶使逸興軒軒飄

輝縣志

卷首

聖制

八

